



Äntwert vum Här Inneminister, Léon Gloden, op d'parlamentaresch Fro n°2753 vum 7. August 2025 vum honorabelen Députéierten André Bauler zum Sujet "Fusion "Nordstadfusioun""

1. Wéi vill Gelder si staatlechersäits an den Nordstadprozess zanter 2015 gefloss?

Vun 2015 bis haut ass vum Inneministère keng direkt staatlech finanziell Ënnerstëtzung an den Nordstadprozess gefloss.

An deem Kontext ass et awer wichteg ervirzehiewen, dass déi viregt Regierung de "Programme Directeur d'aménagement du territoire" (PDAT) am Regierungsrat vum 21. Juni 2023 arrêtiert an domat decidéiert hat, dass ë. a. d'Nordstad sollt CDA d'importance nationale ginn. Am PDAT steet op S.164 geschriwwen: *"L'espace d'action de la Nordstad identifié par le PDAT comprend les communes de Bourscheid, Colmar-Berg, Feulen, Nommern, et Tandel ainsi que les cinq communes de la Nordstad ayant entamé le processus de fusion communale et avec lesquelles une vision territoriale a été élaborée. Cet espace d'action comprend le centre de développement et d'attraction (CDA) d'importance nationale Nordstad (Ettelbruck - Erpeldange-sur-Sûre – Diekirch)."*

Op där Basis hunn ech Mëtt lescht Joer d'Decisioun geholl, dass d'CDA-Gemengen Dikrech, Ettelbréck an Ierpeldeng am Kader vun der staatlecher Dotatioun (FDGC) zesummen 25 Prozent finanziell Ënnerstëtzung zousätzlech solle kréien. Duerch de Vote vum Staatsbudget 2025 (*Loi du 20 décembre 2024 concernant le budget des recettes et des dépenses de l'État* fir den Exercice 2025) ass déi Decisioun effektiv ginn.

Hei drënner den entspreechenden Artikel aus dem Budgetgesetz:

« Art. 25. Modification de la loi modifiée du 14 décembre 2016 portant création d'un Fonds de dotation globale des communes

L'article 3, paragraphe 2, point 2, lettre a), sous-point i), de la loi modifiée du 14 décembre 2016 portant création d'un Fonds de dotation globale des communes prend la teneur suivante :

« i) Quant aux critères d'aménagement du territoire, la population de la Ville de Luxembourg est augmentée à raison de 45 pour cent, celle de la Ville d'Esch-sur-Alzette à raison de 25 pour cent, celles des villes de Diekirch et d'Ettelbruck à raison de 10 pour cent et celles des villes de Differdange, de Dudelange, d'Echternach, de Grevenmacher, de Remich, de Vianden et de Wiltz, de même que celle des communes de Clervaux, d'Erpeldange-sur-Sûre, de Junglinster, de Mersch, de Mondorf-les-Bains, de Redange-sur-Attert et de Steinfort à raison de 5 pour cent. »¹.

¹ <https://legilux.public.lu/filestore/eli/etat/leg/loi/2024/12/20/a558/io/fr/pdfa/eli-etat-leg-loi-2024-12-20-a558-io-fr-pdfa.pdf>



2. Wou gesäit den Här Minister kloer d'Virdeeler vun enger Fusioun?

Wéi am Koalitiounsaccord virgesinn, wäert ech Gemeengefusiounen de façon générale och an Zukunft weider ënnerstëtzen:

“Le Gouvernement maintiendra son soutien aux fusions de communes qui expriment le désir de s'associer. Ces regroupements se font exclusivement avec le consentement des citoyens concernés, exprimé par référendum. Dans cet ordre d'idées, le Gouvernement entend faciliter les démarches participatives pour favoriser la prise en compte des idées, préoccupations et souhaits des habitants. Le Gouvernement s'engage à accroître les aides financières de l'État pour faciliter ces processus de fusion. [...]”

Déi generell Approche dobäi ass a bleift, dass de Fusiounswëlle vu banne muss kommen, aus der Gemeng selwer. Wann de Wëlle fir eng Fusioun bei zwou oder méi Gemengen do ass, gëtt de Fusiounsprozess vu mengem Ministère begleet an ënnerstëtzt.

Eng wichteg Roll dobäi spillt den Experte-Grupp fir Gemeengefusiounen ze begleeten, deen de Regierungsrat de 14. Februar 2025 an d'Liewe geruff huet, nozeliesen am *Résumé des travaux du 14 février 2025* op gouvernement.lu: *“Afin d'épauler les communes intéressées par une fusion, le Conseil a décidé de créer une "cellule indépendante – fusions communales" afin de leur fournir des conseils en matière technique, financière, administrative et juridique.”*. Dës Cellule indépendante fusions communales (CIFC) besteet aus fréieren an aktive Gemengepolitikern souwéi Beamte mat Erfahrung an deem Beräich. Déi genannte Compositioun ass och esou mam Syvicol ofgestëmmt ginn. Mat der CIFC ënnerstëtzt d'Regierung Gemeengefusiounen mat Know-how, Begleitung a Berodung. Domat gëtt den Inneministère och an dësem Beräich senger Roll als Partner vun de Gemenge gerecht.

Wat d'Virdeeler vun enger Gemeengefusioun ugeet, sinn déi ënner anerem am Kontext vun de méigleche Synergieeffekter ze gesinn. D'Gemenge si Service-Betriben fir d'Bierger, an d'Erwaardungen vun de Bierger u si ginn ëmmer méi grouss.

3. Wéi héich wier d'Dotatioun vum Staat, wann déi véier Gemenge géife fusionéiere? Wéi héich ass déi gesamt Dotatioun ouni Fusioun?

Gemeng	Fonds de dotation globale des communes - Budget 2025	Mat Fusioun, simuléiert op Basis vum Budget 2025
Diekirch	33.262.867,80 €	110.460.767,64 €
Erpeldange-sur-Sûre	11.375.668,23 €	
Ettelbruck	45.646.009,50 €	
Schieren	9.238.373,07 €	
Total	99.522.918,60 €	110.460.767,64 € +10,99 %



- 4. Wat fir konkret gemeinsam Projeten, déi an Zukunft realiséiert solle ginn, hunn déi véier restlech Nordstad-Gemengen a Gespräicher mam Inneministère ugeschwat, oder ugekënnegt?**

Iwwer konkreet gemeinsam Projeten wäert le moment venu geschwat ginn.

- 5. Sollt de Fusiounsprozess scheitern, ass den Här Minister da gewëllt, fir déi betrafte Gemengen zu Zweeër-Fusioun ze beweegen?“**

Fusiounen, déi gewënscht ginn, gi vum Inneministère positiv begleet an ënnerstëtzt.

Lëtzebuerg, den 29. August 2025
Den Inneminister
(s.) Léon GLODEN